



ORANG ramai mengunjungi Hari Terbuka UMP 2015 di Kuantan, semalam.

UTUSAN MALAYSIA 10 MAC 2015 (CITRUM) M/S 27

300 hasil penyelidikan pada Hari Terbuka UMP

KUANTAN 9 Mac - Sebanyak 300 hasil penyelidikan Universiti Malaysia Pahang (UMP) dipamerkan dalam Pertandingan Reka Cipta, Kreatif dan Inovasi (CITREx) sempena penganjuran Hari Terbuka UMP 2015 yang berlangsung selama dua hari bermula hari ini.

Melalui pameran tersebut, pengunjung dapat menyaksikan sendiri penghasilan projek penyelidikan yang mengenangkan pelbagai elemen kepakaran dan kreativiti penyelidik dengan membabitkan penyertaan dari pada 183 staf dan 117 pelajar UMP.

Pemangku Timbalan Naib Canselor (Akademik & Antarabangsa), Profesor Dr. Wan Azhar Wan Yusoff berkata, pengunjung bukan sahaja berpeluang menyaksikan pameran penyelidikan malah dapat membantu pelajar memilih program yang bersesua-

ian untuk menyambung pengajian di peringkat yang lebih tinggi.

"Mereka boleh mendapatkan maklumat pengajian dan melawat makmal serta sistem pengajaran dan pembelajaran program pengajian bidang kejuruteraan dan teknologi yang ditawarkan universiti ini daripada peringkat diploma sehingga ijazah kedoktoran."

"Selain itu, turut menjadi tarikan sempena Hari Terbuka UMP 2015 ialah penampilan khas Ustaz Don Daniyal yang mengendalikan slot Sirah Rasul, Program Saintis Muda dan Fun Learning English," katanya kepada pemberita di sini hari ini.

Menurut Dr. Wan Azhar, Naib Canselor UMP, Profesor Datuk Dr. Daing Nasir Ibrahim akan merasmikan Hari Terbuka UMP 2015 esok di Dewan Kompleks Sukan UMP kampus Gambang di sini pada pulak 11 pagi.

"Kita nantikan sambutan penduduk sekitar dan pelajar sekolah serta warga UMP bertambah meriah kerana pada hari ini sahaja dianggarkan kira-kira 3,000 pengunjung hadir.

"Dengan pengisian program seperti Karnival Mahabbah anjuran bersama Pusat Islam dan Pembangunan Insan (PIMPIN) dan Karnival Bahasa dan Kebudayaan Cina dengan sokongan Pusat Bahasa Moden dan Sains Kemanusiaan (PBMSK) akan menarik lebih ramai pengunjung untuk hadir," katanya.

Tambahnya, Karnival Mahabbah akan diselitkan dengan ceramah kekeluargaan yang bertajuk *Isteri K-POP Suami Dangdut* dan program seperti Bicara Alam Metafizik, Forum Muqarrabin, Forum Perdana Ehwal Islam dan Konser Malam Cinta Ilahi bersama Kumpulan Raihan.